



basic education

Department:
Basic Education
REPUBLIC OF SOUTH AFRICA

SENIOR CERTIFICATE EXAMINATIONS/ NATIONAL SENIOR CERTIFICATE EXAMINATIONS

SEPEDI LELEME LA GAE (HL)

LEPHEPHE LA BOBEDI (P2)

2019

TLHAHLO YA GO SWAYA

MEPUTSO: 80

Palomoka ya matlakala a tlhahlo ya go swaya ke 21.

DITŠHUPETŠO TŠA GO SWAYA

- Ge molekwa a arabile dipotšišo tše di fetago palo yeo e nyakegago, swaya ya mathomo fela. (**Molekwa ga a swanelo go araba potšišo ye telele le ye kopana go tšwa pukung e tee**)
- KAROLONG YA A, ge molekwa a arabile dipotšišo tše nne ka moka mo diretong (tše di bonwego), swaya tše pedi tša mathomo
- Go DIKAROLO TŠA B le C, ge molekwa a arabile dipotšišo tše kopana tše pedi goba tše telele tše pedi, swaya ya mathomo o hlokologe ya bobedi. Ge molekwa a arabile dipotšišo ka moka tše nne, swaya fela ya pele mo KAROLONG ye nngwe le ye nngwe ge e le gore go arabilwe potšišo ye kopana le ye telele
- Ge molekwa a file dikarabo tše pedi, moo e lego gore ya mathomo e fošagetše mola ya bobedi e nepagetše, swaya ya mathomo gomme o hlokologe ya bobedi
- Ge dikarabo di sa nomorwa ka tshwanelo, swaya go ya ka tlhahlo ya go swaya
- Ge mopeleto wo o fošagetšego o ama tlhalošo, swaya phošo. Ge o sa ame tlhalošo, gona mo fe moputso
- **Dipotšišo tše telele**
Ge karabo ya potšišo ye telele e le ka tlase ga botelele bjo bo nyakegago, se mo otle ka ge a šetše a ikotlile. Ge e le ye telele kudu, lekola go ya ka bokgoni gomme o sekaseke ntlha yeo le baswaibagolwane. **Šomiša dirubriki tša kelo tše di lego lenaneong la A le B go lekola ditaodišo tša balekwa**
- **Dipotšišo tše kopana**
 - Ge molekwa a sa šomiše ditsebjana moo a kgopetšwego go tsopola, se mo otle
 - Dipotšišong tše di bulegilego, go se be le meputso yeo e tlogo abelwa karabo ya EE/AOWA goba KE A DUMELA/GA KE DUMELE. Lebaka leo le thekgago karabo ke lona leo le abelwago moputso
 - Go se be le meputso yeo e tla abelwago NNETE/MAAKA goba NTLHA/KAKANYO. Lebaka leo le thekgago karabo ke lona leo le tlogo abelwa moputso

KAROLO YA A: THETO***MONTSHEPETŠABOŠEGO – MJ Mamabolo*****POTŠIŠO YA 1: 'SEROPE SA MABU A AFRIKA' – LE Mphasha****Mohlala wa karabo****Tshwantšhokgopolو**

Tshwantšhokgopolو ke tsela yeo ka yona sereti se tšweletšago dikgopolو mabapi le seretwa, gomme mmadi a se bona ka leihlo la kgopolو.

Dika

- Mothalothetong wa 2 - Re reng re nkgisetšana mahwafa? - Mmadi o bopa seswantšho sa batho ba elwa
- Mothalothetong wa 8 - Rena nka re segelana yona? - Sereti se tšweletša seswantšho sa batho bao ba segelanago mellwane nageng ya Afrika/go senya naga ya Afrika ka go sega mellwane
- Mothalothetong wa 10 - Go ba le tshetla a re tlogeleng - Go tšweletšwa seswantšho sa go kgala bojato go Maafrika
- Mothalothetong wa 13 - Go rwalelana marumo a re tlogeleng - Sereti se tšweletša seswantšho sa Maafrika ao a Iwago
- Mothalothetong wa 15 - Go išana ka fase ga mabu ga se go rarolla mathata - Sereti se tšweletša seswantšho sa dipolayano ka ge di sa rarolle mathata

Diema

- Mothalothetong wa 4 - Ntlolerole ga e tswale kgoši - Go bopša seswantšho sa Maafrika ao a sa kwanego gabotse ka ge go ka se be le tšwelopele
- Mothalothetong wa 11 le 12 - Bana ba mpa ba ngwathelana hlogwana ya tšie - Go bopša seswantšho sa Maafrika ao a swanetšego go abelana bonnyane bja mahumo ao ba nago le ona nageng ya gabobona
- Mothalothetong wa 14 - Ya ja ye nngwe ga e none – Sereti se tšweletša seswantšho sa go se atlege ga batho ba Afrika bao ba jabetšago ba bangwe

[10]

POTŠIŠO YA 2: 'CHRIS HANI'– MJ Mojalefa

- 2.1 Setšhaba sa lla sello sa masetlapelo (1)
- 2.2 • Sereto se reta bogale le bogolo bja tema yeo e kgathilwego ke Chris Hani ntweng ya tokologo
 • O bolaetšwe tokologo ya rena gomme a llelwa ke bohle
 • Bao ba bego ba sa rate mešomo ya gagwe ba mmolaetše lefeela
 • Polao ya Chris Hani e hlotše letšhogo bathong le go ekonomi ya naga (TŠE THARO fela.) (3)
- 2.3 Bahlokakhutšo ba mo nyaka,
ba mo nyaka, ba mo nyaka,
GOBA
ba mo nyaka, ba mo hwetša,
ba mo hwetša go sa gopola motho;
 Mohola: E tlemaganya methalotheto ye mebedi ya go latelana ka kgopoloo ya go nyaka/hwetša. (2)
- 2.4 • O re lotile/re a leboga
 • Mothalotheto o arotšwe ka dikarolometara tše pedi
 • Dikarolometara tše di arogantšwe ke sešura (TŠE PEDI fela.) (2)
- 2.5 Balekwa ba tla fa maikutlo a go fapano.
 Mohlala:
 Maikutlo a pefelo
 • Ke befediswa ke polao ya Hani ka ge a se na molato (2)
- [10]**

POTŠIŠO YA 3: 'THAKA YE TSHESE' – MM Rakoma

- 3.1 3.1.1 ... e le ... (1)
- 3.1.2 -etše (1)
- 3.2 • Le sa le bafsa
 • Le šome ka maatla go itokišetša bophelo (2)
- 3.3 • Methalotheto ke ye 16
 • Methalotheto ke ye mekopana (2)
- 3.4 Kgauswi - kgole
 Tšwago - yago (2)
- 3.5 Balekwa ba tla fa dikarabo tša go fapano.
 Mohlala:
 • Moreti o eletša bafsa go ba le maikarabelo
 • O ba eletša gore ba se šomiše tokologo bošaedi (2)
- [10]**

POTŠIŠO YA 4: 'THEPUDI' – PM Mashilo

- 4.1 Ke seretotumišo sa bogologolo
 - Se bopilwe ka fomula ya matseno le mmele(2)
- 4.2
 - Sereti se ratana le basetsana ba bannyane
 - Bakgekolo ba a lwatša(2)
- 4.3 Papadišantšu.
Mošomo:
 - Ke go tšweletša mošito ka gare ga mothalotheto
 - Go gatelela kgopolو ya go tšofala(2)
(E TEE fela).
- 4.4 Kelelothalo - e šoma go feleletša kgopolو ya go kwera yeo e thomilego mothalothetong wa 17 go ya go wa 18.
 (2)
- 4.5 Balekwa ba tla fa maikutlo a go fapania.
Mohlala:
Maikutlo a go tenega.
 - Ke tenwa ke mokgalabje wa go ratana/robala le basetsana ba bannyane mo a bilego a ikgantšha ka seo(2)
[10]

LE**POTŠIŠO YA 5****'NTLOSWISWI' – NS Puleng**

- 5.1

5.1.1	Kelelothalo –	Ntlo yekhwi ke ntlo mang magagešo Ge diphukubje le mahlalerwa e phuthile?	(1)
5.1.2	Potšišoretoriki –	Kgoši ke mang ge bohole e le dibakaborena?/ Ntlo yekhwi ke ntlo mang magagešo Ge diphukubje le mahlalerwa e phuthile?	(1)
- 5.2
 - Kgolegong go tletše batho ba mediro ya go se loke
 - Kgolego e kgaogantše batho le bao ba bego ba phela nabo(2)
- 5.3 Le gatelela kgopolو ya tšomišo ya molao
 (1)
- 5.4
 - Ditemanatheto ke tše 7
 - Temanatheto ye nngwe le ye nngwe e bopilwe ka methalotheto ye meraro
 - Methalotheto ke ye metelele le ya magareng(3)
- 5.5 Balekwa ba tla fa dikarabo tša go fapania.
Mohlala:
Ke moyo wa kgahlego/tumišo
 - Go tumišwa seo kgolego e lego sona/e se dirago(2)
[10]

PALOMOKA YA KAROLO YA A: **30**

KAROLO YA B: PADI/DIKANEGELOTŠHABA

POTŠIŠO YA 6: *BADIMO BA BOLETŠE* – MJ Mpepele

Mohlala wa karabo:

Morero

Morero ke kgopolokgolo/thuto yeo mongwadi a ratago go e fihliša go mmadi.

Morero wa Badimo ba boletše

Morero wa padi ye ke gore lentšu la mohu ga le tshelwe. Ditan o gana go phethagatša taelo ya Mohu Tatagwe, e lego Kgoši Tsweke ya gore a nyale Thabišo, morwedi wa Kgoši Pilošamadiba. Ditaba tša marato le manyalo ga di atlege go fihla a nyala Thabiso.

- Ditan o ratana le Mpimpi morwedi wa Moganwa ebile o a mo imiša ka la gore o a mo rata eupša ba a kgaogana
- Komanyi le bakgomana ba mošate ba leka go gopotša Ditan ka taelo ya mohu tatagwe ya gore a nyale Thabišo eupša Ditan o a ngangabala
- Ditan o nganga ka la gore ga se a reriswa ebile yena ga a rate Thabišo
- Kgoši Pilošamadiba o lemoša Ditan gore ge a nkkelwa ke Thabišo gona o nkkelwa ke lethebo la bogoši le ge go le bjalo Diatu ga senke a theeletša seo
- Kgokolo o iša Ditan go Ngaka Ngwetšana gore a nyale Seritša fela lenyalo la bona la se fihle kgole
- Phei o laodišetša Ditan ka toro ya gagwe fao tatagwe a mo laetšego gore a botše Ditan gore mosadi wa gagwe ke Thabišo eupša Ditan ga a e tseele hlogong
- Ditan o selwa ka ga Masekamiša ka ge a ganana le taba ya go nyala Thabišo
- Ditan o tšwela pele o nyala Nthuše yo a go belega bana ba go lekana le magotlwana gomme taba ye ya dira gore Diatu a mo tlogole
- Ditan o thoma go Iwala le go hlubaetšwa ke ditoro kgafetšakgafetša ka lebaka la go se phethagatše taelo ya tatagwe
- Ditan o nyala Thabišo ebile ba šegofatšwa ka mafahlana a mosetsana le mošemane
- Mafelelong Ditan o bewa setulong sa bogoši gomme ditaba motseng wa Bakone di thoma go sepela ka thelelo ka ge a phethile taelo ya mohu tatagwe

[25]

POTŠIŠO YA 7: *BADIMO BA BOLETŠE – MJ Mpepele***SETSOPOLWA SA A**

- 7.1 Ke bakgomana ba mošate/ke banna ba motse. (1)
- 7.2 • Senyama le Makgabo ba hlaloša ka fao Ditan a bethilego Mpimpi ka gona
 • TatagoMpimpi o homolela taba ya go bethwa ga morwedi wa gagwe (2)
- 7.3 • Komanyi ke motho wa go rata go omama
 • O be a fela a omanya Ditan ka taba ya go gana go phethagatša taelo ya tatagwe ya go nyala Thabišo (2)
- 7.4 • Poledišano e tšweletša dimelo tša baanegwa (Senyama le Makgabo ba na le lesebo/Ditan ke motho wa go rata theto)
 • Poledišano e thuša mongwadi go hlaloša ditiragalo (Sebakeng sa gore mongwadi a hlaloše ditiragalo, Senyama le Makgabo ke bona ba di hlalošago ka poledišano)
 • Poledišano e utolla maikutlo (Senyama o maketše – Ka tate ka Lesiba, ga a di gape ka moka mošemane yo) (3)
- 7.5 • ... maabane ona a a maabane a ya go Ditan ...
 • Mpimpi o rile go fihla gae ... (2)
- 7.6 Balekwa ba tla fa maikutlo a go fapano.
 Mohlala:
 Maikutlo a pefelo.
 • Ke befedišwa ke Ditan ge a betha Mpimpi (2)

SETSOPOLWA SA B

- 7.7 Ya segologolo.
 • Go bolelwa ka Ngaka Ngwetšana/badimo (2)
- 7.8 Ditan. (1)
- 7.9 • Mpimpi o imile gomme o re o imišitšwe ke Ditan
 • Ditan o a gana gomme o betha Mpimpi
 • Mpimpi o botša tatagwe ka go bethwa ga gagwe (3)
- 7.10 • Mongwadi o hlaloša ditiragalo bjalo ka ge di direga (Mongwadi o hlaloša ka fao Ditan a ganago go tšea taelo ya tatagwe ka go ratana le banenyana ba bantši)
 • Mongwadi o diriša motho wa boraro go hlaloša ditiragalo (2)

- 7.11 • Kgoši Tsweke o kwana le Kgoši Pilošamadiba ka taba ya gore Ditau a nyale Thabiso
• Kgoši Tsweke o botša Ditau gore o swanetše go nyala Thabiso (2)
- 7.12 Balekwa ba tla fa dikarabo tša go fapania.
Mohlala:
• Mmadi o be a se a letela gore Ditau a ka feleletša a nyetše Thabišo ka ge setšhaba se lekile go mo eletša gomme yena a ngangabala (1)
- 7.13 Balekwa ba tla fa dikarabo tša go fapania.
Mohlala:
Ee, mongwadi o atlegile.
• Ditau o feleleditše a nyetše Thabišo
• Ditaba motseng wa Bakone di boela sekeng ka ge Ditau a tšere bogoši bjo bo mo swanetšego (2)
[25]

POTŠIŠO YA 8: KGALAGALO TŠA SETU – MS Machitela

Mohlala wa karabo:

Morero

Morero ke kgopolokgolo/thuto yeo mongwadi a ratago go e fihliša go mmadi.

Morero wa Kgalagalo tša setu

Morero wa Kgalagalo tša setu o lebane le diphiri tšeobalekane ba di direlanago ka malapeng gomme tša ba le seabe se se mpe dikamanong. Molatelo o diretše monna wa gagwe sephiri mabapi le bolwetši bja gagwe bja kankere ya molomo wa popelo.

- Ka morago ga go belega ngwana Molatelo o ile a thoma go ba le mathata a lephelo eupša a sa botše monna wa gagwe
- Ge a eya go dira ditlhahlolo gwa hwetšagala gore o na le bolwetši bja kankere ya molomo wa popelo, eupša taba ye a e utela monna wa gagwe
- Taba ya bolwetši bja Molatelo e ile ya mo dira gore a thome go fetoša maitshwaro a gagwe.
 - A se sa bolediša monna wa gagwe, ka gae gwa rena setu.
 - O be a mmolediša ka nako yeo a ratago
 - Ge a eya maeto a se sa laela monna wa gagwe
 - O be a alela Mojagobedi letšatši leo go ratago yena
 - A se sa mo solela dijo ge a feditše go apea
 - A se sa dula le yena tafoleng goba go bogela le yena thelebišene
- Mojagobedi o ile a thoma go makatšwa ke maitshwaro a Molatelo eupša a hloka dikarabo
- Mojagobedi le yena ka go se sa kgotlelela ditiro tša mosadi wa gagwe, a thoma go ba le lerato la ka sephiring le Fiona yo a ilego a ba a mo imiša
- Go šireletša sephiri seo sa bolwetši, Molatelo o nagana go hlala Mojagobedi ka la gore o rata basadi
- Molatelo o ya gagabo go ba botša gore yena o nyaka go hlala Mojagobedi gomme batswadi ba ganana le taba yeo ka ge mabaka a gagwe a tlhalo a sa kwagale
- O hlagelwa ke kotsi ya go thulwa ke sefatanaga ge a le tseleng ya go tšwa gagabo ka morago ga go palelana le batswadi ka taba ya tlhalo
- O amogelwa bookelong bja Kgapané
- Mojagobedi o hwetša molaetša wa gore mosadi wa gagwe o amogetšwe bookelong ka lebaka la kotsi ya sefatanaga gomme o kitimela bookelong
- Ge Mojagobedi a le ka moo phapošeng yeo Molatelo a lego ka go yona o bona faele, o a e phetla gomme sephiri sa gore mogatšagwe o bolawa ke eng se a utolloga

[25]

POTŠIŠO YA 9: KGALAGALO TŠA SETU – MS Machitela**SETSOPOLWA SA C**

- 9.1 Thabitha ke molaodi wa Tumpu mošomong. (1)
- 9.2 • Tumpu o ile lapeng la Mojagobedi go boledišana le Molatelo mabapi le go se phedišane botse ga bona
 • Molatelo o botša Tumpu tšeoa di liego mohla wa tlala mabapi le seo a se tletšego (2)
- 9.3 Mojagobedi ke motho wa go ja ka mo le ka mo.
 Pading ye Mojagobedi o ratana le Fiona mola a na le mosadi. (1)
- 9.4 • Poledišano e tšweletša dimelo tša baanegwa (Mohlala: Mojagobedi ke motho wa go se rate sekhethe)
 • Poledišano e thuša mongwadi go hlaloša ditiragalo (Mohlala: Sebakeng sa gore mongwadi a hlaloše ditiragalo, Tumpu le Mojagobedi ke bona ba di hlalošago ka poledišano)
 • Poledišano e utolla maikutlo (Mohlala: Molatelo o befešwe – O ka se tloge lapeng la gago Solomondale kgole bjalo, wa tla wa mpotša boloko ka mo lapenq la ka) (3)
- 9.5 • ... a theogela bošego ...
 • ... ge ke tšhaiša ke fihla gae ...
 • ... tšatši le lengwe ...
 • ... bjale ka ge re tshephišane ...
 (TŠE PEDI fela.) (2)
- 9.6 Balekwa ba tla fa maikutlo a go fapania.
 Mohlala:
 Ke maikutlo a manyami.
 • Ke nyamišwa ke ge a hlapaola Tumpu (2)

SETSOPOLWA SA D

- 9.7 Ya sebjalebjale.
 • Go bolelwa ka sefatanaga/diaparo (2)
- 9.8 Molatelo. (1)
- 9.9 • Mojagobedi o tšeа sephetho sa go thekga mosadi wa gagwe twantšhong ya kankere
 • Molatelo le Mojagobedi ba hweditše dipolo tša gore Molatelo ga a sa na kankere ya molomo wa popelo
 • Molatelo o lokollotšwe bookelong (3)
- 9.10 • Mongwadi o anega ditiragalo bjalo ka ge di direga (Mongwadi o hlaloša ka phedišano yeo e sego ya maleba magareng ga Molatelo le Mojagobedi ka lebaka la bolwetši bjo bo swerego Molatelo)
 • Mongwadi o diriša motho wa boraro go hlaloša ditiragalo (2)

- 9.11 • Mojagobedi le Molatelo ba ka gabu Mojagobedi - baanegwathwadi le lefelo
 • Ba belege ngwana wa mošemane (2)
- 9.12 Balekwa ba tla fa dikarabo tša go fapania.
 Mohlala:
 • Mmadi o be a se a letela gore Mojagobedi le Molatelo ba ka boela ba dula ka lethabo lapeng la bona (1)
- 9.13 Balekwa ba tla fa dikarabo tša go fapania.
 Mohlala:
 Ee, mongwadi o atlegile.
 • Go utollotšwe seo se bego se tshwenya Molatelo (bolwetši bja kankere ya molomo wa popelo)
 • Lethabo la thoma go rena lapeng la Mojagobedi le Molatelo (2)
 [24]?

GOBA

DIKANEGETLOTŠHABA

POTŠIŠO YA 10: TODI YA BATLOGOLO – MA Makgopa, BMT Makobe le AP Nkadimeng

Mohlala wa karabo:

Morero

Morero ke kgopolokgolo/thuto yeo moanegi/sereti/moopedi a ratago go e fihliša ditsebeng tša motheeletši.

Morero wa Nonwane

Morero wa nonwane ye o lebane le seema seo se rego tšiwana ye e sa hwego e letile monono.

- Mmadillo o be a se na bana a segwa ke batho ba mo motseng wa Marakane gaKgoši Magapu
- Mmadillo o be a se na bagwera, le ge a hweditše sekgalabjana sa go mo tloša bodutu se be se sa kgotlelele ka lebaka la go hloka thari ga gagwe
- Kgoši Magapu le yena o be a se sa mo kwa bose a bile a nyaka go mo raka motseng ka lebaka la go hloka bana
- Mmadillo o ile a phethagatša taelo ya lentšu leo le mo tletšego a robetše la gore a ye a hlapo mahlo Sedibeng sa Tilo sa go tšhabega
- O ile a dula ka moo bodibeng matšatši a mabedi gomme a tšwa ka laboraro
- O tšwile a rwele pheta ya thaga gomme taba ye a e dira sephiri sa gagwe
- O ile a ima a belega bašemanyana ba mafahla mola badudi ba motse wa Marakane ba hlokofalelw ka bana
- Batho bale e bego e le manaba ba mo sega ba thoma go ithatiša yena
- Mmadillo a ba le bana ba bangwe, lapeng la gagwe ya ba lethabo ba ja ba lahla

Morero wa Diema**NI Phala le AP Nkadirimeng***Lehlogonolo le phuthelwa ka madimabe*

- Morero wa sona ke go kgothatša motho ge a nyefile moko goba a nyamišwa ke seemo seo a ikhwetšago a le go sona

Tswalela banneng ga e farelwé.

- Morero wa sona ke go fa batho maatla ge go le bothata

Morero wa Sereto sa kgoro**BABINAKGOMO****'BA GA MONARENG' – CL Mokoena**

- Morero wa sereto se ke go utolla setlogo le histori ya ba gaMonareng
- Se hlaloša fao ba gaMonareng ba tšwago gona (Mogodumo) le gore ba tswetšwe ke mang (Tšhite a' Nape)

Morero wa Koša**'LESEA LE A LLA' – BMT Makobe**

- Morero wa koša ye ke go kobakobetša/homotša/kunkuretša ngwana gore a robale goba a iketle ge ba rwele meeta ya meetse

[25]

POTŠIŠO YA 11: *TODI YA BATLOGOLO – MA Makgopa, BMT Makobe le AP Nkadirimeng***SETSOPOLWA SA E**

- 11.1 Nonwane, Nonwane! (1)
- 11.2 Rahodu
 - Morero wa nonwane ye o theilwe godimo ga gagwe
 - Ditiragalo tša nonwane ye di dikologa godimo ga gagwe
 - O thoma le nonwane ye mathomong go fihla mafelelong (LE TEE fela.)
(2)
- 11.3 Ke ya sebjalebjale
 - Go bolelwa ka lokheišeneng la Soweto
(2)
- 11.4
 - Bohodu ga bo na moputso – Rahodu o feleditše a timeletše le kgomo
 - Batho ga se ba swanela go rekišetšwa dilo ka ntle le bohlatse, ba ka reka dilo tša go utswiwa
(2)

- 11.5 Nonwane ya kgogamašego.
- E tloša bodutu/thabiša batheeletši
 - Baanegwa ke batho le diphoofolo
 - Bosenyi bja Rahodu ga bja mo hola ka selo
(TŠE PEDI fela.)
- (3)
- 11.6 • Mohlare wa tomoga wa thoma go opela
• Go tsoga ga kgomo e hwile, e apeilwe e bile e jelwe
• Batho ba swarwa ke tlala ka nako e tee morago ga go tsoga ga kgomo
- (3)
- 11.7 Balekwa ba tla fa maikutlo a go fapania
Mohlala:
Maikutlo a go tenega/befelwa.
- Ke tenwa/befedišwa ke bohodu bja gagwe
- (2)

SETSTOPOLWA SA F

- 11.8 Go tšweletšwa seswantšho sa go laetša Mandela e le mokgalabje
- 11.9 E tšweletša mošito.
- 11.10 • Sereto se bolela ka leloko le kgoro yeo Mandela a belegetšwego go yona, mohlala: Ke morwa wa Mphakanyiswa le Nosekeni
• Se hlaloša ka fao Mandela a hlompšhago ka gona lefaseng ka bophara, mohlala: o hlompšha ke magoši le baetapele ba bangwe
• O na le bokgoni bja go hlola khutšo le go thibela bosenyi ebile ke molwelatokologo
(TŠE PEDI fela.)
- (2)
- 11.11 Potšišoretoriki
- E gatelela bogale/bohlakwa bja Mandela
- 11.12 Seretotumišo (sa sebjalebjale)
- Sereti se tumiša boetapele bja Mandela
- 11.13 Balekwa ba tla fa dikarabo tša go fapania.
Mohlala:
- Thaka 'a dikgoši – Mandela o lekantšwa le dikgoši ka maemo
 - Legora la khutšo – Mandela o tliša khutšo setšhabeng
 - Lekepekepe – Go rena lethabo
 - Go binwa mantshegele – go iketlilwe/go a ipshinwa
- (TŠE PEDI fela.)
- (2)
- [25]

PALOMOKA YA KAROLO YA B: **25**

KAROLO YA C: PAPADI/TERAMA**POTŠIŠO YA 12: O IPHIHLETŠENG? – LT Maphoso****Mohlala wa karabo:****Thulano**

Thulano ke ge moanegwa a thulana le dikgopolo tša gagwe goba baanegwa ba bangwe.

Molokoloko woo wa dithulano o tšwetša thulaganyo ya sengwalo pele gomme ka thulaganyo yeo ya ditaba mongwadi o utolla morero wa sengwalo.

1. Thulanogare

- Benjamene o lwa le dipelo tša gore a Mahunela ke tatagwe ka nnete goba aowa

2. Thulanontle**Mahunela o thulana le Rebone**

- Rebone o botša Mahunela gore o nyaka tšhelete ya go tšwetša dithuto pele gomme Mahunela o mmotša gore yena ga a na tšhelete
- Rebone o botša tatagwe gore o na le tokelo ya go ithuta ka gona a fiwe tšhelete ya go mo iša sekolong gomme Mahunela o mmotša gore ditokelo di tla mo iša sekolong
- Mahunela o thulana le Rebone ge a mmotša gore yena ga a kgone go apea nama gomme Mahunela o mo gapeletša go e apea
- Mahunela o botša Rebone gore o swanetše go nyalwa ke Konstabolo Phaswane gore a tle a mo iše sekolong gomme Rebone o a gana

Mahunela o thulana le Jemina

- Jemina o befeletše Mahunela mabapi le taba ya go se nyake go iša Rebone sekolong

Rebone o thulana le Sarinki

- Rebone o befelela Sarinki yo a mo leleditšego mogala ebile a mmitša mogadibo
- Rebone o thulana le Sarinki ge a mmotšiša ka tšhelete ya go ya sekolong le ge a mmitša mogadibo. O tima mogala a sa bolela

Mpoti o thulana le Rebone

- Mpoti o botša Rebone ka Phaswane gomme Rebone o a befelwa ebile o a mo raka

Benjamene o thulana le Sarinki

- Benjamene o galefile ge Sarinki a tlo mo lokolla kgolegong o re yena a ka upše a bolele ka kgolegong go na le gore a lokollwe ka tšhelete yeo a gopolago gore ke ya Sebakweng

Mpoti o thulana le Phaswane

- Mpoti o leletša Phaswane mogala a mo kgalema ka taba ya gore o mo tšeela mosadi
- Mpoti le Phaswane ba a lwa kua mabenkelengkgoparara, ba lwela Rebone

[25]

POTŠIŠO YA 13: O IPHIHLETŠENG? – LT Maphoso**SETSOPOLWA SA G**

- 13.1 Ke bagwera/ba tsene sekolo mmogo. (1)
- 13.2 • Rebone ke motho wa go ineela ka pela
• Hlogi ke motho wa maele le tlhohleletšo (2)
- 13.3 • Di hlahlala mmadi (Mohlala: Rebone/Hlogi o a goroga)
• Di utolla dimelo tša babapadi (Mohlala: Mahunela ke motho yo bogale - O bolela ka bogale ge a bolela le Rebone)
• Di bontšha maikutlo a babapadi (Mohlala: Mpoti o bolela le Rebone ka lethabo - O thabile) (3)
- 13.4 Phegelelo ke motheo wa katlego.
• Rebone o ile a phegelela go tšwetša dithuto tša gagwe pele le ge tatagwe a be a re yena ga a na tšelete gomme a hwetša thušo ya mašeleng (2)
- 13.5 • Phekogo ya papadi ye ke go nyaka go ya yunibesithi ga Rebone
• Mošomo: E hlola thulano ya mathomo papading ye (2)
- 13.6 Balekwa ba tla fa dikarabo tša go fapania.
Mohlala:
Ke moyo wa leago.
• Hlogi o leka go eletša Rebone yoo a bonalago a lahlegetšwe ke tshepo (2)

SETSOPOLWA SA H

- 13.7 Sebjalebjale
• Go bolelwa ka moruti/mogala/sellathekeng (2)
- 13.8 O šomišitše ditšupasefala go laetša gore Kgoroši o a kgotsofala. (1)
- 13.9 • Go thabelwa katlego ya Rebone
• Go solwa maitshwaro a Sarinki le Ngaka Thokgola (2)
- 13.10 Rebone
• Mediro ya gagwe e phadima go feta ya babapadi ka moka
• O thoma le papadi a be a fetše le yona
• Morero wa papadi o theilwe godimo ga gagwe
(TŠE PEDI fela) (2)
- 13.11 • Mminoratho - Ke mmino wo o kgaogantšhago ditema papading ye. (Mohlala: O kgaogantšha poledišano ya Rebone le Hlogi (letl. 20–21) le ya Jemina le Rebone, (letl. 21–22))
• Mminorathwana - Ke košana yeo e kgaogantšhago nako ya ditiragalo tša temana papading ye (Mohlala: Poledišano ya Rebone le Hlogi (letl. 18) le ya Malewe le Mahunela (letl. 19)) (2)
- 13.12 Balekwa ba tla fa dikarabo tša go fapania.
Mohlala:
Leina la papadi ke O iphihletšeng?
• Sarinki o be a lefela dithuto tša Rebone ka sephiring
• O ratana le tatago Rebone ka sephiring (3)

[25]

POTŠIŠO YA 14: NAGA GA DI ETELANE – MS Serudu**Mohlala wa karabo:****Thulano**

Thulano ke ge moanegwa a thulana le dikgopoloo tša gagwe goba baanegwa ba bangwe.

Molokoloko woo wa dithulano o tšwetša thulaganyo ya sengwalo pele gomme ka thulaganyo yeo ya ditaba mongwadi o utolla morero wa sengwalo.

Thulanoteng/gare

- Mphaka o balabala ka toro yeo ka yona mmagwe a ilego a mo laela go boa gae
- Mphaka o lwa le dipelo ka taba ya go boela gae Bonwatau

Thulanontle**Mphaka o thulana le Hunadi**

- Mphaka le Hunadi ba thulana ge a mmotšiša gore go reng a bolela a nnoši gomme a bile a gapeletša Mphaka go ya kerekeng

Mphaka o thulana le Rola

- Mphaka le Rola ba thulana ka taba ya gore mang o ithutile kae le gore o mmitša lekgoba

Mphaka o thulana le bengmošomo/bagolwane ba gagwe mošomong

- Mphaka o thulana le bengmošomo/bagolwane ba gagwe ka taba ya go hloma poso yeo e lego ka godimo ga ya gagwe gomme ba efa ngwana wa mobu

Rola le Kala ba thulana le Mphaka

- Rola le Kala ba thulana le Mphaka ka go mo hlohla diganong, ba mo kotiša moswe boka lešolopudi. Ba mmotša serokaphatla gore ke motsenela, ga a na legae – Mošayagabo

Sebola o thulana le barutiši ba gagwe sekolong

- Sebola o thulana le barutiši sekolong ge ba re yena ke motšwabotšo ebile o a rakwa ka ge ba re ga a na mekgwa

[25]

POTŠIŠO YA 15: NAGA GA DI ETELANE – MS Serudu**SETSOPOLWA SA I**

- | | | |
|------|---|-----|
| 15.1 | Ke bagwera/Ke bašomimmogo. | (1) |
| 15.2 | <ul style="list-style-type: none"> • Mphaka ke motho wa boikokobetšo • Hunadi ke motho wa go ba le sekgapu | (2) |
| 15.3 | <ul style="list-style-type: none"> • Di hlahlha mmadi (Mohlala: Mphaka o bolela a nnoši) • Di utolla dimelo tša babapadi (Mohlala: Mbari o tšhogile – Ke lefšega) • Di bontšha maikutlo a babapadi (Mohlala: Mphaka o itia tafola ka letswele) | (3) |

- 15.4 • Mongwadi o lemoša babadi gore maropeng go a boelwa
 • Mongwadi o lemoša babadi gore motho yo mongwe le yo mongwe o tla hwetša khutšo le lethabo nageng ya gabو
 • Bafaladi ba swanelwa ke go fiwa tshwaro ya maleba nageng tšeо ba falaletšego go tšona
 (TŠE PEDI fela.) (2)
- 15.5 Phekgogo ya papadi ye ke ge Hunadi a botšiša Mphaka gore o reng a bolela a nnoši.
 Mošomo: E hlola thulano ya mathomo papading ye. (2)
- 15.6 Balekwa ba tla fa dikarabo tša go fapania.
 Mohlala:
 Moya wa pefelo.
 • Hunadi o befedisitšwe ke go bona monna wa gagwe a tagilwe (2)
- SETSPORTWA SA J**
- 15.7 Ke ya sebjalebjale.
 • Go bolelwa ka lengwalo la diploma/yunibesithi (2)
- 15.8 O šomišitše ditšupasefala go laetša gore Mphaka o gakanegile. (1)
- 15.9 • Go bolelwa ka kgetho ya lekgotla la yunibesithi
 • BoMphaka ga ba sa dudišega bjalo ka bafaladi ka ge go ngunangunwa ka maemo a bona ka yunibesithing (2)
- 15.10 Mphaka
 • Mediro ya gagwe e phadima go feta ya babapadi ka moka
 • O thoma le papadi a be a fetše le yona
 • Morero wa papadi o theilwe godimo ga gagwe
 (TŠE PEDI fela.) (2)
- 15.11 • Palo ya babapadi ke ya go lekanelo: ke ba 15
 • Polelo ke ya go amogelega: ga go mo go tšwelelaggo mahlapa ka gare ga papadi ye
 • Mafoko a poledišano ga se a matelele, mohlala: poledišano ya Hunadi, Mphaka le Lebitsi (letl. 87–88)
 (A MABEDI fela.) (2)
- 15.12 Balekwa ba tla fa dikarabo tša go fapania.
 Mohlala:
 Leina la papadi ke Naga ga di etelane.
 • Diteng di mabapi le Mphaka yo a tlogilego nageng ya gabо a falalela dinageng di šele ka lehutšo la gore bophelo bo tla ba kaone
 • Dinageng di šele Mphaka o hweditše mathata a go feta mo a tšwago gona (3)
- [25]

POTŠIŠO YA 16: LEHUFA – P Mothupi**Mohlala wa karabo:****Thulano**

Thulano ke ge moanegwa a thulana le dikgopololo tša gagwe goba baanegwa ba bangwe.

Molokoloko woo wa dithulano o tšwetša thulaganyo ya sengwalo pele gomme ka thulaganyo yeo ya ditaba mongwadi o utolla morero wa sengwalo.

Thulanoteng/gare

- Lerato o lwa le dikgopololo mabapi le gore a botše Ntshepe gore o a mo rata
- Ntshepe le yena o lwa le dikgopololo, o tšhaba go botše Lerato gore o a mo rata
- Lerato o lwa le dikgopololo mabapi le taba ya go hlala Radithekisi

Thulanontle**Ntlogeleng o thulana le Lerato**

- Ntlogeleng o thulana le Lerato ka la gore o mo tšeela monna, ka ge a hweditše dinomoro tša mogala ka paking ya Ntshepe

Ntlogeleng o thulana le Ntshepe

- Ntlogeleng o thulana le Ntshepe ka la gore o rata theto. Ntlogeleng o hweditše dinomoro tša mogala tša Lerato ka paking ya Ntshepe

Ntshepe o thulana le Ntlogeleng

- Ntshepe o hwetša Ntlogeleng a swere dihlare tšeо maikemišetšo e bego e le go mo tšeela

Radithekisi o thulana le Lerato

- Radithekisi o re Lerato o rata banna ebile o mo ntšha ka kerekeng go rapelwa. O mmotša ge a etše banna kerekeng

Lerato o thulana le Radithekisi

- Lerato le Radithekisi ba a hlalana ka ge lehufa la Radithekisi le ba tsene gare

Lerato o thulana le Ntshepe

- Lerato o thulana le Ntshepe ka taba ya gore ba ye go bona Radithekisi bookelong

Leepo le Tsarane ba thulana le maphodisa

- Leepo le Tsarane ba thuntšhana le maphodisa ka morago ga gore Radithekisi a ba fe mošomo wa go ja Lerato le Ntshepe leonyane

[25]

POTŠIŠO YA 17: LEHUFA – P Mothupi**SETSOPOLWA SA K**

17.1 Ntshepe ke morutiši wa maloba wa Lerato/Lerato ke morutwana wa maloba wa Ntshepe. (1)

17.2 • Ntshepe ke motho wa go ba le tlhompho le lerato
• Ntlogeleng ke motho wa go ba le lehufa (2)

17.3 • Di hlahlala mmadi (Mohlala: *Lerato o bolela a nnoši/Ntshepe o bala kuranta*)
• Di utolla dimelo tša babapadi (Mohlala: *Lerato o tšhogile ebile ga a sa tseba gore a dire eng - Ke lefšega*)
• Di bontšha maikutlo a babapadi (Mohlala: *Monamudi le yena o hwa ka disego - o thabile*) (3)

- 17.4 • Mongwadi o rata go lemoša babadi gore lehufa ga le age motse
• Sebetša se segolo ka gare ga lapa ke thomphano, tshepano le lerato (2)
- 17.5 Phekogo ya papadi ye ke ge Ntlogeleng a hwetša dinomoro tša mogala ka paking ya Ntshepe.
Mošomo: E hlola thulano ya mathomo papading ye. (2)
- 17.6 Balekwa ba tla fa dikarabo tša go fapania.
Mohlala:
Moya wa tlabego/pefelo.
• Ntshepe o tlabja/befedišwa ke mosadi wa gagwe ge a rogile Lerato (2)

SETSTOPOLWA SA L

- 17.7 Tikologo ya sebjalebjale.
• Go bolelwa ka bookelo bja Ga-Rankuwa (2)
- 17.8 O šomišitše ditšupasefala go laetša gore Maditaba o maketše. (1)
- 17.9 • Radithekisi o itshola ka go tlogelana le Lerato ka ge bophelo bo se sa mo sepelela gabotse
• Maditaba o laetša Radithekisi gore Lerato o be a mo thuša (2)
- 17.10 Radithekisi
• Mediro ya gagwe e phadima go feta ya babapadi ka moka
• O thoma le papadi a be a fetše le yona
• Morero wa papadi o theilwe godimo ga gagwe (TŠE PEDI fela). (3)
- 17.11 • Palo ya babapadi ke ya go lekanelo: ke ba 14
• Polelo ke ya go amogelega: ga go mo go tšwelelago mahlapa ka gare ga papadi ye
• Mafoko a poledišano ga se a matelele, mohlala: poledišano ya Lerato le Ntshepe (letl. 1–3)
(A MABEDI fela.) (2)
- 17.12 Balekwa ba tla fa dikarabo tša go fapania.
Mohlala:
Leina la papadi ke Lehufa.
• Diteng di mabapi le Lerato yo a bego a nyetšwe ke monna wa go ba le lehufa la go fetelela
• Ntlogeleng o be a na le lehufa go monna wa gagwe (3)

PALOMOKA YA KAROLO YA C:	25
PALOMOKA YA TLHAHLOBO:	80

KAROLO YA A: RUBRIKI YA GO SWAYA DIPOTŠIŠO TŠE TELELE: THETO [MEPUTŠO YE 10]

Dinyakwa	Bokgoni bja go ikgetha	Bokgoni bja maemo	Bokgoni bja magareng	Bokgoni bja motheo	Ga go bokgoni
	5–6	4	3	2	1
DITENG Tlhalošo ya sererwa. Botebo bja dikgopololo, kgonthišo le kwešišo ya setsopolwa MEPUTSO YE 6	-Tlhalošo ye e tseneletšego ya sererwa. -Tatelano ya dikgopololo tša go ba le maatlakgogedi tša go amana thwii le temana. -Kwešišo ye e tseneletšego ya sengwalwa le sereto.	-Kwešišo le tlhalošo ye botse ya sererwa. -Potšišo e arabilwe ka bottlalo. -Dikgopololo tše di filwego di a kwala eupša ga se tšona ka moka tše di hlalošitšwego ka mogo nyakegago. -Kwešišo ya sengwalwa le sereto e bonetše.	-Tlhalošo ye e kgotsofatšago ya sererwa. -Go na le dintlha di se kae tše di amanago le sererwa. -Tše dingwe tša dikgopololo di a kwagala eupša ga di kgodiše. -Kwešišo ya motheo ya sengwalo le sereto.	-Tlhalošo ya sererwa ga e kgotsofatše. -Ga go dintlha tše di amanago le sererwa. -Ga go kwešišo ya sengwalwa le sereto.	-Ga go kwešišo ya sererwa. -Karabo ga e sepelelane le sereto. -Morutwana ga a tsebe selo ka ga sengwalwa le sereto.
	4	3	2	1	0–1
SEBOPEGO LE POLELO Sebopego, kelelo le kalo ya dikgopololo Polelo, segalo le setaele tše di dirišitšwego ge go ngwalwa taodišo MEPUTSO YE 4	-Sebopego se tšweletša tlemagano ya dikgopololo ye botsebotse. -Dikgopololo di hlamegile ebile di tšweleeditšwe ka bokgwari. -Polelo, segalo le setaele di a kgahlisa, ke tša maleba ebile di tšwele mahlalagading. -Ga go na le phošwana e tee ya popopolelo, mopeleto le maswaodikga.	-Sebopego se tšwelela gabotse ebile se tšweletša go ela ga dikgopololo. -Kelelo ye botse ya dikgopololo. Polelo, segalo le setaele ke tša maleba.	-Sebopego se a tšwelela. -Taodišo ga e na kelelo ye botse ya dintlha ebile ga go tlemagano ya dikgopololo. Diphoso tša polelo ke tše nnyane eupša segalo le setaele ke tša maleba.	-Sebopego se bontšha diphoso tša peakanyo. -Dikgopololo ga se tša beakanywa ka telanalo ye botse. -Diphoso tša polelo ke tše ntši. -Segalo le setaele di fošagetše.	-Sebopego ga se sa maleba. -Diphoso tša polelo ke tše ntšintši ebile le setaele se fošagetše kudu.

KAROLO YA B LE C: RUBRIKI YA GO SWAYA DIPOTŠIŠO TŠE TELELE – PADI, KANEGELOTŠHABA LE PAPADI [MEPUTSO YE 25]

Dinyakwa	Bokgoni bja go ikgetha	Bokgoni bja maemo	Bokgoni bja magareng	Bokgoni bja motheo	Ga go bokgoni
DITENG	12–15	9–11	6–8	4–5	0–3
Tlhahlošo ya sererwa Botebo bja dikgopololo, kgonthišo le kwešišo ya setsopolwa	-Karabo ye botsebotse go fetiša: 14–15. -Karabo ye botsebotse: 12–13. -Tlhahlošo ye e tseneletšego ya sererwa. -Tatelano ya dikgopololo tša go ba le maatlakgogedi tša go amana thwii le temana. -Kwešišo ye botsebotse ya sengwalwa le setsopolwa.	-Kwešišo le tlhalošo ye botse ya sererwa. -Potšišo e arabilwe ka botlalo. -Dikgopololo tše di filwego di a kwala eupša ga se tšona ka moka tše di hlalošitšwego ka mo go nyakegago. -Kwešišo ya sengwalwa le setsopolwa e a bonala.	-Kwešišo ya magareng ya sererwa eupša ga se dintlha ka moka tše di hlalošwago ka botlalo. -Bontši bja dintlha di amana le sererwa. -Tše dingwe tša dikgopololo di a kwagala eupša ga di kgodiše. -Kwešišo ya motheo ya sengwalwa le setsopolwa.	-Kwešišo ye nnyane ya sererwa. -Ga go dintlha tše di hlalošwago ka botlalo. -Dintlha tše nnyane di amana le sererwa. -Tlhahlošo e amana gannyane le sererwa. -Kwešišo ye nnyane ya sengwalwa le setsopolwa.	-Ga go kwešišo ya sererwa. -Maiteko a go arabal potšišo a fokola kudu. -Dithhalošo ga di kgotsofatše. -Morutwana ga a tsebe sengwalwa goba setsopolwa.
SEBOPEGO LE POLELO	8–10	6–7	4–5	2–3	0–1
Sebopego, kelelo le kalo ya dikgopololo Polelo, segalo le setaele tše di dirišitšwego ge go ngwalwa taodišo	-Sebopego se tšweletša tlemagano ya dikgopololo ye botsebotse. -Matseno le mafetšo ke a mabotse kudukudu. -Dikgopololo di hlamegile ebile di tšweleditšwe ka bokgwari. -Polelo, segalo le setaele di a kgahlisa, ke tše maleba ebile di tšwele mahlalagading.	-Sebopego se tšwelela gabotse ebile se tšweletša go ela ga dikgopololo. -Go na le tlemagano ye botse magareng ga matseno, mafetšo le ditemana tše dingwe tše taodišo yeo. -Kelelo ye botse ya dikgopololo. -Polelo, segalo le setaele ke tše maleba.	-Sebopego se a tšwelela. -Peakanyo le tlemagano ya dikgopololo e gona eupša e na le mafokodi. -Diphoso tše polelo ke tše nnyane eupša segalo le setaele ke tše maleba. -Peakanyo ya ditemana ke ya maleba.	-Sebopego se bontšha diphoso tše peakanyo. -Dikgopololo ga se tše bewa ka tshwanelo. -Diphoso tše polelo ke tše ntši. -Segalo le setaele ga se tše maleba. -Peakanyo ya ditemana e fošagetše.	-Tlhahlošo ya peakanyo ye botse ya sebopego e dira gore dikgopololo di se elele gabotse. -Diphoso tše polelo le setaele sa go fošagala di dira gore go be bothata go bala le go kwešiša molaetša wa taodišo. -Segalo le setaele di fošagetše kudu. -Peakanyo ya ditemana e fošagetše kudu.
MEPUTSO YE 10					